



eman ta zabal zazu

Universidad
del País Vasco


Euskal Herriko
Unibertsitatea



2023-2024
IKASTURTEKO
JARDUEREN PLANA
BIZKAIKO
CAMPUSA

www.ehu.eus/bizkaia

eman ta zabal zazu



Universidad
del País Vasco

Euskal Herriko
Unibertsitatea

2023/2024 IKASTURTEKO JARDUEREN PLANA

UNIVERSIDAD DEL PAIS VASCO

EUSKAL HERRIKO

UNIBERTSITATEA

BIZKAIKO CAMPUSA

(Campuseko Batzarrak 2023-10-xxan onartua)

UNIVERSIDAD DEL PAÍS VASCO / EUSKAL HERRIKO UNIBERTSITATEA

BIZKAIKO CAMPUSA

2023/2024 IKASTURTEKO JARDUEREN PLANA

AURKIBIDEA

AURKEZPENA	5
1.PRESTAKUNTZA.....	9
2. IKERKETA ETA TRANSFERENTZIA.....	13
3. KULTURA ETA GIZARTEA.....	16
4. PERTSONAK	21
5. GOBERNANTZA ETA BALIABIDEAK.....	24

AURKEZPENA

Bizkaiko Campusaren 2023-2024ko Jarduera Plan hau Campuseko zuzendaritza talde honek aurkezten duen azkenekoa izango da ziurrenik. Ia ohartu gabe igaro dugu legegintzaldiaren erdia, eta legegintzaldi honen azken bide tartean sartuko gara. Covidek markatutako legegintzaldia izan da, baina baita gorabehera geopolitiko eta ekonomiko jakin batzuek markatutakoa ere, horiekin bizitzera eta berezkotzat jotzera ohitzen ari garela dirudielarik.

Unibertsitate Sistemaren Lege Organikoa (LOSU) indarrean egongo den lehenengo ikasturtea da, horrek dakarrenarekin eta horrek dakartzan gorabeherekin, baina Campus hau osatzen dugun guztiok jakinaren gainean gaude. LOSU aplikatu behar dugu Lege Organikoa delako, eta alderdi gustukoena eta, agian, hainbeste gustatzen ez zaizkigunak aplikatu behar ditugu. Ziur naiz guztion artean egin ahal izango dugula.

Ildo horretan, bizi dugun garaiak ere ez digu askorik laguntzen, legea landu duen gobernuarene honetan behin-behinekotasun egoeran dagoelako eta Espainian prozesu politikoa zertan amaituko den itzaroten ari delako. Horrekin batera, datozen urteetan izango diren edo izan daitezkeen hauteskunde prozesuek ziurgabetasun testuinguruan kokatzen gaituzte, eta unibertsitateak jakin behar du testuinguru horretan aurrera egiten eta lan egiten.

Jarraian aurkezten dugun Jarduera Plan honen helburu nagusia da, alde batetik, aspaldi honetan garatzen ari diren jarduera ildoetan lan egiten jarraitzea; eta bestetik, UPV/EHUren Plan Estrategikoarekin eta onartu berri den 2023-2026 aldirako Unibertsitate Sistemaren Planarekin bat etorruta, legegintzaldi honetan zehar sustatu ditugun programak edo jarduerak finkatzea.

Azken Plan horrek, Medikuntza eta Erizaintza Fakultate berriaren eraikuntza jasotzen duenak, Azpiegiturak Hobetzeko Urte Anitzeko Plan Berezia –AHUAPB- ere barne hartzen du, eta Plan Berezi horrek ekarpen ekonomiko gehigarria egingo du Campuseko azpiegiturak mantentzeko eta hobetzeko.

Hala bada, azpiegituren esparruan, aipatutako Medikuntza eta Erizaintza Fakultatea eta haren eraikuntza izango da, agian, ikasturte honetako eta hurrengoetako azpiegitura nagusia. Baina ezin ditugu beste batzuk ahaztu. Esate baterako, Itsasgune proiektua, aurreikuspenen arabera 2023. urtearen amaieran amaituko dena: gune berri eta gaztetu bat eskainiko du Bilboko Ingeniaritza Eskolako eraikinean, Portugaleten, irakaskuntza, ikerkuntza eta transferentzia garatzeko. Baina ikasturte honetan zehar beste obra batzuk ere burutuko edo abiaraziko dira gure eraikinetako estalkien, fatxaden eta klimatizazioen egoera hobetzeko xederekin.

Urriaren 5eko Campuseko Batzar honetan aurkezten dugun Jarduera Plan honen beste eduki batzuei dagokienez, sarrera honetan ez ditut zerrendatuko dokumentu horretan

jasotako jarduerak, baina ahal dudan neurrian saiatuko naiz ikasturte honetan zehar bultzatu eta landu nahi ditugun lan ardatzak azpimarratzen.

Jarraian aurkezten dugun plan honetan Campuseko Errektoreordetzaren ekintza nagusiak daude jasota, orain eta une honetan aurreikusten direnak. Baina gure lanari eta beste erakunde eta entitate batzuekin dugun lankidetzari esker, ziur naiz ikasturte honetan zehar aurreikusi gabeko beste ekimen batzuk sortuko direla, eta horiek 2023-2024ko ikasturteko Kudeaketa Txostenean jasoko direla. Halaxe gertatu da aurreko urteetan, eta honakoan ere hala gertatuko da. Aldi berean, gerta liteke planifikatutako jardueraren bat burura ez eramatea, edo ez hasieratik amaierara arte, baina une honetan uste dugu guztiak direla gauzagarriak eta egingarriak.

Prestakuntzaren esparruan, Campuseko Errektoreordetzak eskumen askorik ez duen esparruan, zeharka lan egin nahi dugu bokazioak sorrarazteko eta unibertsitateko ikasketei ekin aurreko ikasleek UPV/EHU eta bertan eskaintzen diren ikasketak hobeto ezagutzeko.

Aurreko ikasturtean arrakastaz ekin genion Lau Haizetara proiektua egiten jarraituko dugu. Edizio honetan, errepikatu egingo ditugu Durango, Gernika, Markina eta Balmasedara egindako bisitaldiak, eta Arratia eskualdea gehituko dugu Igorren eskainiko dugun hitzaldiaren bidez. Era berean, Bizkaiko Campuseko Ikasleen Kontseiluko kideak bilduko ditugu aurkezpenetan, ekitaldi horietan bestelako ikuspegi bat, hurbilagoa, eskaini ahal izateko.

Era berean, uda partean jardueraren bat egitea aurreikusten dugu unibertsitatean hasi aurreko ikasleekin steam bokazioak lantzeko. Une honetan, Bilbon steam udaleku batzuk egiteko ideia darabilgu; baina aukera hori gauzatzen ez bada, Gipuzkoako Campusean garatzen den programaren –Egokitu– antzeko beste programa bat egiteko aukera balioetsiko genuke.

Prestakuntzaren atalean jasota badago ere, nik uste dut garrantzitsua dela azpimarratzea zein garrantzitsua den campus honetarako ekintzailtzaren esparrua eta gure komunitatearen baitan kultura ekintzailea sortzea. Horrexegatik, unibertsitatea osatzen duten kolektiboek zuzendutako hitzaldiak, ikastaroak eta sariak eskaintzen jarraituko dugu, eta ahaleginak egingo ditugu ekintzailtzaren bultzadak horrenbesteko indarra ez duen ikastetxeetan gehiago eragiten eta laguntzen. Era berean, lanean jarraituko dugu Ziteken mintegietan eta BAT dorrean dugun espazioan.

Aipamen berezia merezi du segur aski 2024ko udaberrian egingo dugun UPV/EHUren II. Ekintzailtza Jardunaldiaren antolamenduak.

Era berean, nabarmendu behar da EHU-CEBEK Enpresa Txiki eta Ertaintzat Berrikuntzaren arloan irekitako Unibertsitate-Enpresa Gela. Gela horren aurkezpena orain 10 egun egin zen, horren bidez instituzionalizatu egingo da elkarte sarearekiko lankidetzak, eta guk enpresa txiki eta ertainekin lan egin eta horiei lagundu nahi diegu. Ilusio handia sorrarazten duen proiektua da, eta, dagoeneko izaten ari garen bezala, zuen laguntza beharko dugu.

Ikerkuntzaren eta transferentziaren esparruan mugatua da gure rola, batez ere ikerkuntzaren kasuan, arlo horretan, formalki, dagokion Errektoreordetzak eskaintzen dituen laguntza batzuk izapidetu eta kudeatu baizik ez baitugu egiten. Halere, aipatzekoak dira ikerkuntza intentsiboko taldeen edo zentroen eta erakunde publikoen arteko lankidetzak eta bitartekaritza lanak. Ildo horretan, aipatzekoa da egiten ari garen eta ikastaro honetan egiten jarraituko dugun lana, ikerkuntzen finantzaketa publikoa hobetzeko eta horretarako azpiegitura egokia lortzeko. CFAA eta PIERekin egiten ari garen lanarekin batera, guk uste dugu 2023-2024 ikasturte honetan finkatuko dela EHU Quantum, eta eremu horretan ikertzeko punta-puntako azpiegiturak eta espazioak izateko aukera izango dugula. Era berean, HITZek Bizkaian egoitza izatea bultzatuko da Clariah deritzon ikerketa azpiegitura bertan antolatu dadin.

Transferentziaren kasuan, hainbat jarduera egiten ari dira UPV/EHU erakundeekin, enprekin eta gizarte erakundeekin uztartzeko. Eta horren erakusgarri da Unibertsitate-Enpresa-Teknologikoak-Gizarte Gelen garapena. Ildo horretan, espero dugu hitzarmena sinatzea negoziazio egoera aurreratuan daudenak abian jartzeko, horietako batzuk interes estrategiko handikoak baitira; eta, aldi berean, Gela gehiago sortzeko aukerak bilatuko dira, betiere Gela horien kalitatea eta iraunkortasuna bilatuz, eta ez hainbeste kantitatea edo momentuko eragin mediatiko iragankorra.

Campuseko lan ardatzetako bat kultura eta gizartea blokea da, eta bertan jasotzen dira esparru horretan garatzen ditugun jarduerak. Berritoki ez naizela zehatza izango, eta gaietatik edo beritasunetatik nabarmenenak iruditzen zaizkidan ekintzak baino ez ditudala azpimarratuko.

Kulturaren esparruan, interesgarria iruditzen zait azpimarratzea azken urteetan ZINEBI, Zinema Ikusezina Jaialdia, Loraldia eta egunotan Bizkaia Aretoan egiten ari den JA! Jaialdia bezalako agenteekin ehuntzen ari den lankidetzak. Eta uste dut aurten ere OLBerekin lankidetzan aritzeko aukera izango dugula eta proiektu interesgarriak sor daitezkeela.

Garrantzitsua da, halaber, Gabriel Aresti Katedraren aurkezpena nabarmentzea. 2023-2024 ikasturtean abiarazi beharra dago. Badakit proiektu interesgarri askoak daudela, eta uste dut Katedra hori euskarri eta erreferentzia izango dela kultura eta euskara uztartzeko eta ikasleek jarduera horietan parte har dezaten bultzatzeko Campusaren helburu nagusi horretan.

Ez dut hizpide izango Esperientziaren Geletan, Bizkaia Aretoan eta Miguel de Unamuno Ikastetxe Nagusian egiten den lana, beren lana egiten jarraituko baitute unibertsitateko komunitateari eta gizarte osoari zerbitzua emanez. Besterik gabe adierazi nahi dut 2024ko otsailean Euskal Herrian egingo dela Espainiako Ikastetxe Nagusien Kongresua, eta UPV/EHU izango dela ekitaldiaren antolatzailea.

Euskararen esparruan, azpimarratu nahi dut ikasturte honek Campuseko Errektoreordetzarako Bikain ziurtagiria lortzeko ikasturtea izan behar duela. Guk lanean jarraituko dugu euskara lanerako eta komunikaziorako hizkuntza nagusia izan dadin campusaren barruan.

Azkenik, 2022-2023 ikasturteko Kudeaketa Txostenean jada aurreratu nuenez, biziki lan egiten jarraitu nahi dugu elkartasunaren esparruan, ahal dela Unibertsitate-Gizarte Gelak sustatuz, baina baita boluntariotza programak bultzatuz ere, hala nola Bilbon, Santurtzin eta Ermuan Etxebizitza Solidarioen Programaren bidez garatzen direnen modukoak. Aurten hainbat aldiz bilduko gara Udalekin programa horri zabalkundea emateko. Era berean, boluntariotzarekin eta gizartearen aktibazioarekin lotutako Bizkaia Gara Sarietako Aholkularitza Kontseiluko kideak izango gara.

Pertsonen esparruan, unibertsitateko komunitatea aintzatesteko xedearekin, aurten ere aitortza ekitaldi bat eskainiko diegu erakundean 25 urte egin dituztenei eta erretiroa ikasturte honetan zehar hartu dutenei.

Unibertsitatea osatzen dugun kolektibo guztiak gara garrantzitsuak, baina guk biziki lan egin nahi dugu ikasleekin eta ikasleentzat. Aurten, Wellcome Day jardunaldiarekin batera, ikasleen elkartearen lehen azoka egin dugu, eta arrakastatsua eta oso interesgarria izan dela gaineratu behar dugu. Horrexegatik, ikasturte honetan ere azoka hori egiteko aukera aztertzen ari gara, ikasleek ikasle elkarteak ezagut ditzaten eta horietan zuzenean parte hartu ahal izan dezaten.

Era berean, bi hilean behin bilerak egingo dira Bizkaiko Ikasleen Kontseiluarekin, komunikazioa eta lankidetzaren indartzeko eta kolektibo horrek campusaren eguneroko jardueretan parte har dezaten sustatzeko. Horretarako, ikasturte honetan ere sustatuko ditugun kirol eta kultura jarduerak egingo dira –ezin ahaztu dezakegu Unikoak programa–

Gobernantza eta baliabideen esparrua estu lotuta dago lehen hizpide izan ditugun azpiegiturekin, baina azpimarratu nahi dut ikastetxeekin aldizkako bilerak izaten jarraituko dugula, eta aurten azaroan ere egingo dugula, horixe bera eskatu baitzen, espresuki, Bizkaiko unibertsitate erakundeekin egindako azken Campus Batzarrean.

Ez naiz gehiago luzatuko sarrera honekin, eta lehen ere azaldu dudana bezala, dokumentu honek zehatz-mehatz biltzen du 2023-2024ko ikasturte honetan egingo duguna. Nire ustez, ilusio handia sortzen duen ikasturtea da, ikasturte honetan pixkanaka azaleratzen ari baitira aurreko urteetan egindako lanaren emaitzak. Beti bezala, eskerrak eman nahi dizkizuet hau ezinezkoa litzatekeelako zuen laguntza gabe, zuen laguntza ezinbestekoa baita aurrera egiten jarraitzeko eta jarduera hauek burura eraman ahal izateko.

Gorka Moreno

Bizkaiko Campuseko Errektoreordea

PRESTAKUNTZA

1. helburua

Oreka bat sortzea graduen eskaintzaren (egonkorra eta tokikoa, nagusiki) eta graduondokoen eskaintzaren (dinamikoagoa eta nazioartekoagoa) artean.

Ekintzak

- 1.1. UPV/EHUK eskainitako graduako eta graduondoko tituluen mapa tokiko eta nazioarteko gizarte erronkekin kontrastatzea, eboluzio demografikoa, ikasleen profila eta ingurune sozioekonomikoaren eskakizunak barne hartuta.
- 1.2. Graduako eta graduondoko eskaintza egokitzea, prestakuntza katalogo eguneratu, koherente, erakargarri eta jasangarri bat edukitzeko, eskura ditugun baliabideak optimizatuz eta ENLIGHT proiektuaren sinergiak aprobetxatuz.
- 1.3. Prestakuntza ibilbide osatuak eta eskaerara egokitutakoak finkatzea, kontuan hartuta, besteak beste: aldiberekotasunak, pasabideak, gradu bikoitzak, eta graduako eta graduondoko eskaintza konbinagarriak (osagarriak), baita unibertsitatekoak eta goi mailako hezkuntzakoak ere (Adibidez, Lanbide Heziketa).
- 1.4. Prestakuntza eskaintzaren komunikazioa areagotzea balizko ikasleen eta, oro har, gizartearen artean, inplikaturako eragileen arteko estrategia koordinatua definituta (eskaintza, orientazioa eta komunikazioa).

(1.4 ekintza) Graduako eta graduondoko ikasleak erakartzeko estrategia hobetzeko, UPV/EHUn ikasteak duen balio bereizgarria nabarmenduta, eta unibertsitate aurreko ikasleen orientazioa indartzeko, "UPV/EHU Lau haizeetara" egitasmoari berrekingo zaio, helburutzat duena unibertsitatearen printzipioak eta balioak gizarteratzea Bizkaiko eskualdeetan.

Landa-praktiketarako laguntzei dagokienez, beste urte batzuetan bezala, bi deialdi egingo dira.

2. helburua

Prestakuntza dualeko eskaintza zabal bat bultzatzea Gradu, Master eta Doktorego ikasketetan.

3. helburua

Ingeleseko eskaintza areagotzea masterretan, beste herrialde batzuetako ikasleak erakartzeko, baita euskarazko eskaintza ere, gaitasun masterretan.

4. helburua

Kalitatezko berezko eta etengabeko prestakuntza sustatzea, gizartearen eskaerari erantzuteko, online eskaintza eta euskarazko eskaintza zabaldua.

Ekintzak

- 4.1. Ikasketa ofizialen prestakuntza eskaintza osatzea eta berrerabiltzea etengabeko prestakuntzan, eta alderantziz.
- 4.2. Kalitateko prozesuak hobetzea eta optimizatzea etengabeko prestakuntzan, kalitatea ziurtatzeko dagoeneko aurreratuta dauden kalitate prozesuekin uztartuta (ikastegietako akreditazio instituzionala, kalitate zigiluak..).
- 4.3. Etengabeko prestakuntza eskaintza bat diseinatzea euskaraz.

Bizkaiko Esperientzia Geletatik, Giza Zientziak unibertsitate tituluarekin batera, ikastaro osagarrien programa bat garatuko da 23/24 ikasturteari begira, Esperientzia Geletako ikasleen eta ikasle ohien etengabeko prestakuntza indartzeko.

12 ikastaro eskainiko dira guztira Giza Zientzien alorrean, eta bakoitzak 50 plaza izango ditu. Espero da plaza guztiak betetzea, 2022/2023 ikasturtean bezala.

Gainera, jarduera paraleloak egingo dira Giza Zientzien tituluan jasotzen den prestakuntza osatzeko: besteak beste, hitzaldiak, zine zikloak, abesbatzan edo antzerki tailerren parte hartzea...

5. helburua

Bultzada ematea IKD hezkuntza ereduari eta GJHekin konprometitutako irakaskuntza berrikuntzako esparru berriari, diziplina anitzeko prestakuntza indartuta, baita zeharkako gaitasunak eta gaitasun digitalak ere.

6. helburua

Tituluen enplegarritasuna sendotzea, hartu-emanak estutuz ingurune sozioekonomikoarekin, eta ekintzailtza sustatuz.

Ekintzak

- 6.1. Lehen Enplegarritasun Planaren hedapena osatzea.
- 6.2. Tituluen diagnostiko eguneratu bat egitea, enplegarritasunaren ikuspegitik, eta oraingo eta etorkizuneko enplegu emaileekin kontrastatzea.
- 6.3. Ingurune profesionalean prestakuntza areagotzea eta ikusgai jartzea, curriculumeko eta curriculumez kanpoko praktiken bidez eta enpresetan GRALak, MALak eta tesiak eginez.
- 6.4. Ikasleen ekintzailtzarako prestakuntza indartzea, baita irakasleena ere, hura bultzatuz.

Bizkaiko Campuseko Ekintzailtza eta Transferentziako Zuzendaritzatik (6.4 ekintzak):

- 23-24 ikasturtean, ekintzailtzari buruzko mintegiak eta ikastaroak egingo dira: Ikasberri mintegia, Arte Ederren Fakultatean eta Gizarte eta Komunikazio Zientzien Fakultatean; Ekin 48 ikastaroa, Zientzia eta Teknologia Fakultatean; Insurtech, Ekonomia eta Enpresa Fakultatean. Gainera, jardunaldi bat antolatuko da konputazio kuantikoak hezkuntzan eta ekintzailtzan duen aplikazioari buruz, konputazioak gaur egun hezkuntzaren munduan dituen gaitasunak aztertzeke eta arlo honetan ekintzailtzarako dauden aukerak erakusteko. Jardunaldi bat antolatuko da konputazio kuantikoak gizarte eta komunikazio zientzietan eta ekintzailtzan duen aplikazioari buruz, konputazioak gaur egun soziologiaren eta kazetaritzaren munduan dituen gaitasunak aztertzeke eta arlo honetan ekintzailtzarako dauden aukerak erakusteko.
- Enpresak sortzeko campusak duen ekintzailtza programaren zerbitzuak ezagutarazteko jarduerak antolatuko dira, ikasleentzat eta irakasle-ikertzaileentzat; besteak beste, hitzaldiak campuseko fakultateetan. Zehazki, hitzaldi bana Ekonomia eta Enpresa Fakultatean (Sarriko), Ekonomia eta Enpresa Fakultatean (Elkano), Ekonomia Zirkularraren Masterrean, Zientzia eta Teknologia Fakultatean, Gizarte eta Komunikazio Zientzien Fakultatean eta Arte Ederren Fakultatean.

- Think Big 2024 sarien deialdia, enpresa ideiak sustatzeko; Handira Jo 2023-2024, enpresa proiektu baten ernamuina izan daitezkeen doktorego tesi onenak saritzeko lehiaketa.

7. helburua

Online irakaskuntzarako berezko eredu bat zehaztea.

IKERKETA ETA TRANSFERENTZIA

1. helburua

Diziplinaz gaindiko lankidetza sustatzea unibertsitatearen I+G taldeen artean.

Ekintzak

- 1.1. Ikertaldeetako datu base hiru eledun bat sortzea, lehentasunak, erronkak edo egitekoak errazago bilatzeko (Horizon Europe, ZTBP 2030, RIS3, GJH, etab.)
- 1.2. Euskampus Fundazioan elkarlana bultzatzea, diziplinen arteko lankidetza bultzatzeko.
- 1.3. Taldeen arteko diziplinaz gaindiko lankidetzarako deialdi publikoak bultzatzea.
- 1.4. UPV/EHUren ikergune propioak bultzatzea, baita haien harremana ere unibertsitatearen barruko beste antolakuntza unitate batzuekin eta haien parte hartzea unibertsitateko gobernantza organoetan.
- 1.5. Elkartzeko foroen sorrera bultzatzea, interes estrategikoko arloetan.

Bilerak egingo ditugu erakunde publiko eta enpresa erakundeekin, baliabideak lortzeko unibertsitatearen Bizkaiko ikerketa intentsiboko zentroetarako: hala nola FAAZ, PIE edo EHU Quantum Center (1.4 ekintza).

2. helburua

Bultzada bat ematea ikertalde gutxi edo ikerketa tradizio urria izanagatik kultura aberastasuna sortzen duten jakintza arloei, arlo horiek sendotuz eta egonkortuz.

3. helburua

Ikertalde berriak bultzatzea, eta ikertzaile berriei pizgarriak ematea, ikertzaile ibilbidearen eredu bat bultzatuz.

4. helburua

Ikerketa erronkak eta GJHen agenda (2030 EHUagenda) lotzea.

5. helburua

Bultzada bat ematea gizartearen kultura aberastasunean zuzeneko eragina duen ikerketaren aitortzari.

6. helburua

Ekintzailtza eta ezagutzaren transferentzia sustatzea

Ekintzak

- 6.1. Jarduerak antolatzea, jabetza intelektual gisa erregistratu daitezkeen, kontratuak sor ditzaketen edo ekintzailtza eta enpresen sorrera erraztu ditzaketen emaitzen inguruko informazioa eta sentsibilizazioa lantzeko.
- 6.2. Prestakuntza ekintzak egitea, gure unibertsitateak ezagutza sortzeko eta transferitzeko erakunde gisa betetzen duen papera balioan jartzeko, erabilera partekatua (Open Access, Creative Commons, etab.) eta emaitzen lizentzia sustatuz eta gizartean eta produkzio ehunean duen oihartzuna nabarmenduz.
- 6.3. Inguruko erakunde eta enprekin (bereziki ETE, kluster eta enpresa elkarrekin) lankidetzan jardutea, gure ezagutza zabaltzeko eta gure eskaintza teknologikoaren eta Ikerketako Zerbitzu Nagusien (SGIker) kontratazioa eskaintzeko.
- 6.4. Gure deialdietan ikerketa emaitzak dibulgatzeko laburpen bat sartzeko derrigortasuna barneratzea, Komunikazio Bulegoak laburpen hori erabiltzeko aukera izan dezan.

Transferentzia eta ekintzailtza zuzendaritzak parte hartzen du Bizkaiko Ekintzailtza Zentroan (BAT). Halaber, B-Venture bezalako jardueretan parte hartzen du, eta BFaren Sarekin, Women in Tech, WA4STEAM eta beste hainbat egitasmoren parte da.

Lanean jarraituko dugu ZITEK programan, spin-off sorkuntzan eta garapenean, ekintzailtza kultura zabaltzeko UPV/EHUren Bizkaiko Campuseko ikasleen eta langileen artean. 2000. urtearen hasieran sortu zenetik enpresa hazitegia 145 izan dira sortuak guztira. Gaur egun, ikasturte honetan, 21 enpresa daude 3 mintegietan eta 4 enpresa berri sortzea espero da.

Transferentziaren alorrean, unibertsitate-enpresa berrikuntzako ikasgela aurkeztuko zaie CEBEKeko ETEei, eta aukera eman nahi zaie enpresei gure ikertaldeekin (100dik gora) kolaboratzeko, ikerketa zientifikoko edo garapen teknologikoko proiektuetan, GRALak, MALak edo doktorego tesiak egiten ari diren ikasleak hartzeko, edo prestakuntza espezifikoak kontratatuzko, CEBEKeko enpresa bazkideentzat interesgarriak diren alorretan.

2024ko lehen lauhilekoan, UPV/EHUren bigarren ekintzailera jardunaldia egingo da, Bizkaia Aretoan, aztergai izanik beste unibertsitate batzuen esperientziak, haien ekintzailera programak, nola garatzen dituzten eta zer tresna erabiltzen dituzten, finantzaketa eta gaurkotasuna duten beste hainbat gai (hala nola Startup-en Legea).

7. helburua

Ranpoko aliantzak indartzea, tokikoak nahiz nazioartekoak.

8. helburua

Gure unibertsitateak eginiko bikaintasun ikerketaren ikusgarritasuna bultzatzea nazioartean.

Ekintzak

- 8.1. Gure unibertsitatearen nazioarteko ikusgarritasuna bermatzea, ranking nagusietan gure posizioa hobetuz eta webgunearen ingelesezko edukiak eta sare sozialetan gure parte hartzea areagotuz.
- 8.2. ADDI gordailu instituzionalaren sarbidea eta erabilera zabaltzea eta erraztea, baita ingelesez ere.
- 8.3. Ikertzaileak identifikatzeko sistema bibliometrikoen erabilera sustatzea (ORCID, WOS, Scopus, etab.).
- 8.4. Nazioarteko aipamena duten doktorego tesiak egiteko laguntza politikak sustatzea.

Bizkaiko Campuseko Errektoreordetzak jarraituko du Bidaia Poltsen Deialdia bultzatzen. Horregatik Ikerketaren arloko Errektoreordetzaren deialdiko baldintzak betetzen dituzten Bizkaiko Campuseko ikertzaileen bidaia poltsak kudeatuko dira.

9. helburua

Euskaraz eginiko ikerketa sustatzea, eta beste hizkuntza batzuetan egindakoak euskaraz zabaltzen eta egokitzen laguntzea.

KULTURA ETA GIZARTEA

1. helburua

Gizartearekiko komunikazioa hobetzea, baita ezagutzaren dibulgazioa eta UPV/EHUren kultura legatua ere.

Ekintzak

- 1.1. Komunikazio prozedura zabaltzea fakultate, ikastegi eta unibertsitateko kideen artean, eta prestakuntza eskaintzea.
- 1.2. Fakultate eta eskoletatik komunikazio ekintza gehiago bideratzea komunikazio bulegora.
- 1.3. Ikasleen, irakasle-ikertzaileen eta AZPko langileen gizarte ekimena eta konpromiso zibikoa babestea, **sustatzea, aitortzea eta zabaltzea**.
- 1.4. **Webgunea** eta informazio publikoa hobetzea, **marka** irudia finkatzeko.
- 1.5. Aldizkako komunikazioa ezartzea erakundeekin eta eragile ekonomiko eta sozialekin.

Hitzaldiak, Jardunaldiak eta Unibertsitate Hedakuntzako ekintzen deialdia.

Bi deialdi egingo dira 2023/24ko jarduerak babesteko. Deialdia egiten da Bizkaiko Campuseko webgunearen bidez.

2. helburua

Lankidetzaren hitzarmenak eta proiektuak babestea, euskal sare sozioekonomiko eta kulturalarekin.

Ekintzak

- 2.1. Erregistroan arlo soziokulturalaren proiektu eta hitzarmen guztiak sartzea.
- 2.2. Irakasleei proiektu soziokulturalen sustapena eta garapena aitortzea (ikasleen parte hartzea bultzatzeko).
- 2.3. Erakunde publikoekiko unibertsitatearen harremanak eta irudia indartzea.

Bizkaiko Campuseko Errektoreordetzak ekintza hauek burutuko ditu.

(2.1 ekintza) 2023-2024 ikasturtean, Idazkaritza Nagusiaren erregistroan sartuko dira Bizkaiko Campusean eginiko hitzarmen guztiak. Gainera, finkatu egingo da Batzorde

Iraunkorrean edo dagokion Batzarrean hitzarmenak eskatu eta aurkezteko protokoloa, garrantzia emanez pertsoneri edo ikastegi sustatzaileei. Gizarteratu egingo da modu ulergarri batean UPV/EHUren eta beste eragile batzuen arteko hitzarmenak izapidetzeko eta kudeatzeko prozesuari buruzko informazioa, lankidetzaren hitzarmenak egin nahi dituzten komunitate akademikoko pertsonen horretarako bidea eta egin beharreko urratsak ezagut ditzaten.

Euskararen eta Kulturaren arloko Zuzendaritzatik (2.1 eta 2.3 ekintzak):

- lankidetzaren hitzarmenak egingo dira honako hauekin: KCD-GGKE (KULTURA, COMMUNICATION, DESARROLLO), ZINEBI (Bilboko Dokumentalen eta Film Laburren Jaialdia), Loraldia, eta beste batzuk.
- harremanak estutuko dira Bizkaiko Foru Aldundiarekin kultura ekintzak eta ekitaldiak sustatzeko. Adibidez, berriki sortutako Gabriel Aresti Katedraren bidez, edo Uda Ikastaro berriak antolatuz (Bilbotik kanpo).
- harremanak estutuko dira Bilboko Udalarekin, kultura egitasmoetan kolaboratzeko: hala nola JA! JAIALDIA, Javier Olivares eta Fernando Mariásen erakusketa (Pertierraren enigma), etab.

Gainera, 23/24 ikasturtean, Ostatu zerbitzuak eta Miguel de Unamuno Ikastetxe Nagusiak jarraituko dute ikastetxe nagusiaren eta Bilboko Arriaga musika kontserbatorioaren arteko lankidetzaren bultzatzen. Halaber, areagotu egingo da ikasleentzako etxebizitza solidarioetako plaza kopurua, jarraipena emanez Bilbo, Ermua eta Santurtziko Udalekin eta Peñasal Kooperatibarekin ditugun akordioei.

Bizkaiko Esperientzia Gelak harremanetan jarriko dira inguruko kultura eta gizarte eragileekin, eta harremanak estutuko dira erakunde publikoekin (Bilboko Udala eta Foru Aldundia); gainera, elkarlanean jarraituko dugu Esperientzia Geletako ikasle ohien elkarteekin eta Adinekoentzako Unibertsitate Ikastaroen Espainiako Elkartearekin (AE-CUM).

Bizkaia Aretoan, saiatuko gara orain arte eginiko jarduerak mantentzen, bai eta ekitaldi kopurua areagotzen ere, bisitariak aretora erakartzeko eta UPV/EHUren marka indartzeko. Ekitaldi horien artean, nabarmentzekoak dira Gau Zuria, JA Jaialdia! - Umerezko Literaturaren eta Artearen Nazioarteko Jaialdia eta haren erakusketa, Bilboko

Kalealdia, ACT Jaialdia - Eszena Berritzaileen Nazioarteko Jaialdia, Open House Bilbao, ate irekiko Bilboko jaialdi handiena, zeinaren bidez bisitariek beste hiri bat aurkitzen duten arkitekturaren eta hirigintzaren bidez.

Bizkaia Aretoa berriz ere Passion for Knowledge (P4K) jaialdiaren egoitza izango da, eta ikasleak eta Nobel saridunak elkartuko dituzten topaketak antolatuko dira.

Bizkaiko Esperientzia Gelak:

- Hainbat kultura ekitaldi jarriko dira martxan, egitasmoak Bizkaian bete dituen 25 urteak ospatzeko.

3. helburua

Lider izatea euskal gizartearen kultura zientifikoan eta humanistikoan, arreta berezia jarritz euskararen eta euskal kulturaren.

Ekintzak

- 3.1. Kultura zientifiko eta humanistikoaren eskaintzarako irizpideak zehaztea.
- 3.2. Ikasleak, langileak eta gizarte euskararen eta euskal kulturaren eskaintzara erakartzea. Ikasleentzat lehenetsitako ekintzak bultzatzea.
- 3.3. Euskarazko produkzioa indartzen jarraitzea.
- 3.4. Euskararen ezagutza eta erabilera bultzatzea unibertsitateko kideen artean.
- 3.5. III. Euskara Plana ebaluatzea eta IV. Euskara Plana egitea.

3. helburuari dagokionez eta Euskara eta Kultura arloko Zuzendaritzatik (3.2 eta 3.4):

- hainbat jarduera sustatuko dira UNIKOAK programaren barruan.
- UNIKOAK Film laburren III. lehiaketaren deialdia egingo dugu.
- Mahai ingurua UPV/EHUko ikasleentzat, sektore zinematografikoan lanean diharduten UPV/EHUko ikasle ohien eskutik ("Uniaren ostean, zer?").
- Errektoreordetzaren Bikain ziurtagiriaren ebaluazioa planifikatuko da, eta beste ikastegi batzuk animatuko dira aurkeztera.
- Euskal kulturari buruzko tailer eta jarduera espezifikoak sustatzea: Txalaparta tailerra, Idazketa eta ilustrazio tailerra, Batukada tailerra, etab.

- bultzada EUSKARALDIari eta EUSKARAREN ASTEari (azaroak 27 - abenduak 1), eta elkarlana Euskararen eta Kulturaren arloko beste zuzendaritzekin, jarduera agenda bakar bat sortu eta kudeatzeko UPV/EHU osoari begira.

- Euskararen III. Plana ebaluatu eta IV. plana egingo da.

4. helburua

Erreferentzia eredu gisa indartzea, genero berdintasunean, inklusioan eta garapen jasangarrian.

Ekintzak

- 4.1. Barruan eta kanpoan egiten diren jardueren berri ematea.
- 4.2. IKD3 estrategiaren garapenerako lagungarriak diren programak irakasleen artean zabaltzea, irakasgai guztietan txertatzeko.
- 4.3. Ingurumenaren kontserbazioa, generoa, inklusioa eta garapen jasangarria bultzatzen duten taldeak koordinatzea.
- 4.4. Premia bereziak dituzten kolektiboek (desgaitasuna duten pertsonak, errefuxiatuak, gizarte, ekonomia eta kultura egoera ahulean dauden kolektiboak, etab.) laguntzeko programak indartzea.

Miguel de Unamuno Ikastetxe Nagusiko ikasle talde batek jarduerak antolatzen ditu ingurumen babesaren, generoaren, inklusioaren eta garapen jasangarriaren alorretan. Besteak beste, jarduerak antolatzen dituzte Martxoaren 8aren ospakizunetan, elikagaiak biltzen dituzte elikagai bankuarentzat, elastikoak eta kirol jertseak saltzen dituzte eta saskiak zozketatzen dituzte dirua lortzeko GKE batentzat. (4.3 ekintza)

5. helburua

Gizartearen beharrei, erronkei eta arazoei lotutako jarduerak egitea, bai irakaskuntza eta ikerketaren arloan, bai ezagutzaren transferentziaren arloan.

Ekintzak

- 5.1. Gai soziokulturalei lotutako ekimenak sortzea, gizarte eragileen lankidetzaz, EHUgune moduko espazioetan eta gizarte inpaktuko katedretan, besteak beste.
- 5.2. Boluntariora bultzatzea.
- 5.3. Erakundeak gizartearekiko harremanean duen identitateari buruzko gogoeta bultzatzea.
- 5.4. EHUalumni sarea sustatzea, eta Mentoring, Enbaxadore eta Cicerone programak sendotzea.

Gabriel Aresti Katedratik, bultzada emango zaie kultura eta gizarte ekitaldi berriei, euskal artearen eta kulturaren inguruan, eta gogoeta egingo da Gabriel Arestiri berari buruz.

(5.2 ekintza) Boluntariotza indartzeko, Esperientzia Gelek elkarlana sustatuko dute ikasleen eta gizarte ekimeneko kooperatiben eta antzeko erakundeen artean. Gainera, Miguel de Unamuno Ikastetxe Nagusian, gazte solidarioen programaren helburua da, ikasleei etxebizitza bilatzen laguntzea ez ezik, gazteek lan solidarioa egitea: adibidez, astero 4 ordu eskainiz GKEei, Ermua, Bilbo eta Santurtziko udalen programen barruan; hainbat gizarte jatorritako pertsonekin landutako bizikidetzari, Peñascal Kooperatibaren eskutik; edo adinekoekiko bizikidetzari, KUVU elkartearen eskutik.

PERTSONAK

1. helburua

Lan baldintza egokiak eta lanpostu egonkorak sustatzea, baita elkarlanean oinarritutako giza ingurune integratzaileak ere.

2. helburua

Irakasle-ikertzaileen eta AZPko langileen beharren urte anitzeko plangintza bat egitea, eta haien ibilbide profesionalean laguntzea.

3. helburua

Langile taldearen gaztetzea bultzatzea, erreleboen bidez eta langileen egonkortze goiztiarren bidez.

4. helburua

Lan indibidualaren eta kolektiboaren ospea eta aitortza sustatzea.

5. helburua

Ikasle bakoitzak bere ikaskuntza prozesuan duen zeregin aktiboa eta erantzukizuna sustatzea.

Ekintzak

- 5.1 IKD i3 hezkuntza eredu propioarekin lerrokatutako irakaskuntza metodologia aktiboen implementazioan aurrera egitea.
- 5.2 Prestakuntza jarduerak eta ikasleen akonpainamendu programak (mentoring) antolatzea, eta horien bidez, UPV/EHUren katalogoan jasotako zeharkako gaitasunen garapena erraztea.
- 5.3 Egoeran zaugarrian dauden pertsonak (desgaitasunak dituztenak, errefuxiatuak, zailtasun ekonomikoak dituztenak...) gizarte inklusioaren agenteak izan daitezen sustatzea, inklusio planaren ebaluazio eta jarraipenaren bidez.

Ikastetxe nagusi horretan ere, jarraipena eman nahi zaio bigarren mailatik gorako ikasleak ikasle hasiberriekin elkartzen dituen jarduerari, helburua izanik graduari buruzko argibideak eta laguntza eskaintzea ikasle berriei (liburuak eta apunteak barne) (5.2 ekintza).

6. helburua

Pertsonen egokitzapena eta prestakuntza indartzea, aintzat harturik unibertsitatearen eginkizuna eta Ikuspegia.

Ekintzak

- 6.1. Jarduerak antolatzea (tailerrak, ikastaroak), langileek eta ikasleek gaitasun digitalak eskuratu ditzaten.
- 6.2. EHU-agenda 2030en esparruan, jarduerak antolatzea, unibertsitateko kideak jasangarritasunarekin bat etor daitezten.
- 6.3. Unibertsitateko kideen (AZPko langileak, irakasle-ikertzaileak eta ikasleak) ingeleseko hizkuntza gaitasuna bultzatzea.
- 6.4. Euskararen ezagutza eta erabilera bultzatzea unibertsitateko kideen artean.

Campuseko Errektoreordetzatik, ikasleei lagunduko zaie ikastaro eleaniztunak eta akreditazio probak egiten.

Mantendu egingo ditugu atzerriko hizkuntzen zentro ofizialek unibertsitateko kideei eskaintzen dizkieten abantailak (Institut français d'Espagne - antenne de Bilbao, EUSKADITALIA Centro Oficial de Lengua y Cultura italiana, eta Centro de estudios Chinos Lu Xun). Gainera, mantendu egingo da ere SPIK hizkuntza laborategiarekiko elkarlana, Gizarte eta Komunikazio Zientzien Fakultatean kokatua; euskara eta ingeles ikastaroak ematen dituzte, hizkuntza eskakizunak lortu edo hizkuntza hobetzeko.

7. helburua

Informazio sistemen/aplikazioen berrikuntza, malgutasuna, integrazioa eta iragazkortasuna ahalbidetzea, pertsonen zerbitzura egon daitezten.

8. helburua

Adi egotea, ekonomia arrazoiak direla eta graduondoko ikasketak egin nahi dituzten ikasleen artean ager daitezkeen estratifikazioak minimizatzekeo.

9. helburua

Bizitza pertsonala eta lana kontziliatzeko erraztasunak ematea, eta ibilbide profesionalean emakumeak kaltetzen dituzten genero joerak gaitzetzeko neurriak bultzatzea.

GOVERNANTZA ETA BALIABIDEAK

1. helburua

Unibertsitateko kideen erantzunkidetasuna, baterako partaidetza eta inplikazioa sustatzea, UPV/EHUREN erabakiak hartzean eta haren jarduerak garatzean; bereziki, gazteen artean.

Ekintzak

- 1.1. Ikasleen II. Partaidetza Plana egitea, eta araudia erreformatzea, kolektibo horren partaidetza eta harekiko komunikazioa errazteko.
- 1.2. Hainbat gairi buruzko lan taldeak eratzea, eta horietan ikasleek, AZPko langileek eta irakasle-ikertzaileek parte hartzea.
- 1.3. Partaidetza protokoloa erabiltzea, arauak egiteko prozeduran.

2023/24 ikasturtean, aldizkako bilerak egingo dira ikasleen ordezkariekin (Ikasleen Kontseiluko kideak edo Ikasgelako ordezkariak).

Euskara eta Kultura Zuzendaritzatik, laguntza eskatuko zaio Ikasleen Kontseiluari, EHUKulturak programatutako kultura jardueren eta tailerren zabalkunde lana egin dezan, eta beren kultura jarduerak antolatzera bultzatuko dira, EHUKulturaren laguntzaz, ekarpena eginez horrela UNIKOAK programari.

Kultura jarduerengatiko kredituen aitortza sustatuko da.

2. helburua

Azpiegitura egokiak sustatzea campus adeitsuagoak sortzeko eta unibertsitate bizitza indartzeko.

Ekintzak

- 2.1. Urte anitzeko azpiegituren plan bat egitea, transferentzia, eztabaida, kultura eta dibulgazioa bultzatzeko espazioak izango dituen eta gehiago irekitzeko aukera emango diona gizarteari eta unibertsitateko kideei. Plan horretan, instalazioetan erabiltzaileen segurtasunerako neurriak ezarriko dira, eta irisgarritasuna eta mugikortasuna hobetzeko neurriak bultzatuko dira, baita plaza berriak ere unibertsitate egoitzetan.
- 2.2. Garraio publikoa edo autoaz bestelako garraiobideak erabiltzeko mugikortasun jasangarriko planak onartzea, beste erakunde publiko batzuen lankidetzaz. Campusetarako sarbidea eta campusen arteko garraioa erraztuko duten neurriak hartzea.
- 2.3. Ikasketak, bizitza pertsonala eta lana kontziliatzeko lagungarriak izango diren kultura eta kirol jarduera erakargarrien eskaintza bat osatzea, gizarte eragileen eta erakunde publikoen lankidetzaz.
- 2.4. Ingurumen eta osasunaren arloko lehen kudeaketa plana garatzea, trantsizio energetiko-klimatikoaren testuinguru berrira egokituta.

2023/24 ikasturtean, hainbat obra egingo dira Campusaren azpiegiturak hobetzeko, gaur egun eraikinek dituzten gabeziak pixkanaka konpondu eta indarrean dauden araudiak betetzeko. Obra horien bidez, besteak beste, laborategiak prestatu, segurtasuna hobetu eta hainbat gune egokituko dira. Gainera, amaitutako lanen segimendua egingo da.

Alor honetako lan ildo nagusiak izango dira:

- Medikuntza eta Erizaintza Fakultatearen eraikin berriaren obrak, Basurtun.
- Itsasgunea proiektuaren obrak, Bilboko Ingeniaritza Eskolaren III eraikinean.
- Areto Nagusiaren aireztapen sistema hobetzea.
- Bilboko Ingeniaritza Eskolaren I eraikineko transformazio zentroa berritzea.
- Leioa/Erandio gunearen kontrol sistema berritzea eta berokuntzako banaketa sistema berritzeko proiektua idaztea.
- Leioa/Erandio gunearen ur horniduraren sarea berritzea: hartunea, biltegiratzea, ponpatzea eta kontsumoa neurtzea.
- Autokontsumorako plaka fotovoltaikoak instalatzea campuseko hainbat eraikinetako estalkietan (Gizarte eta Komunikazio Zientzien Fakultatea, Leioako Biblioteka, Leioako Galdaren Aretoa eta Hezkuntza Fakultatea).
- Ibilgailuen karga elektrikoko puntuen instalazioari buruzko azterlana.

- Komunak berritzea campuseko eraikinetan.
- Ekonomia eta Enpresa Fakultatearen Sarrikoko eraikinaren estalkiaren erabateko birgaitzea.
- Leioa/Erandio gunearen galdara aretoaren estalkia birgaitzea.
- Filtrazioen arazoa konpontzea campuseko hainbat eraikinetako estalkietan.
- Campuseko eraikin guztietan, erretenak eta zorrotenak garbitzea.
- PCI sistema eguneratzea Ekonomia eta Enpresa Fakultatean (Sarriko), Bilboko Ingeniaritza Eskolaren I eraikinean, Bizkaia Aretoan, Miguel de Unamuno Ikastetxe Nagusian.

Ikastetxe Nagusian, ikasleek partekatzen dituzten areto eta guniak hobetzen jarraituko dugu, bizikidetzeta eta elkar ezagutza sustatzeko gradu desberdinetako ikasleen artean. Ahal den guztian lagunduko zaie ikasleei kultura eta kirol jarduerak antolatzen.

Irakaskuntza azpiegitura: deialdi bakarra egingo da irakaskuntza laborategien azpiegiturarako, ikastegi eta sailei zuzendua, irakaskuntza praktikoa eraginkor batek behar duen material inbentariagarriaz hornitzeko.

Ikasle, Mugikortasun eta Kirol Zuzendaritzak sentsibilizazio ekintzak egingo ditu Europako Mugikortasun Astearen harira, "Konbinatu eta mugitu" lemapean. Aurtengo gaia: efizientzia energetikoa. Garraiobide alternatiboen aukera plazaratzea izango da helburua. Horretarako, ibilgailu elektrikoaren eta Formula Student egitasmoko auto elektrikoaren erakusketa egingo da, ibilgailu elektrikoak erregai fosilez propulsatutakoaren alternatiba erreala direla ikusarazteko. Gainera, Parke Zientifikoarekin elkarlanean, Leioako Campuseko elektrolindegien aurkezpena egingo da.

Lankidetzan arituko gara hainbat erakunderekin (Bizkaiko Foru Aldundia edo Eusko Jaurlaritza, besteak beste), mugikortasun jasagarriari egin diezaiokegun ekarpena baliagarritzat jotzen den egitasmoetan.

Bilerak egingo dira Gipuzkoako Foru Aldundiarekin, lurralde horretatik Leioara datozen ikasle eta langileen joan-etorriak errazte aldera.

Azkenik, Campuseko Errektoreordetzatik, dutxen zerbitzua sustatu eta koordinatuko da, dutxak dituzten ikastegietan, garraiobide alternatiboen erabilera (bizikletena bereziki) bultzatzeko.

Ikasleen, Mugikortasunaren eta Kirolen arloko Zuzendaritzatik ere, kirol jarduera bultzatuko da, ahalik eta kirol mota gehien sustatuz, unibertsitateko kide guztiengana

heltzeko. Campus osasungarriaren ideia indartzeko, kirol zerbitzuak jarduera ugari bultzatuko ditu:

- Jarduera fisikoa eta kirola oro har sustatzea. Unibertsitateko kideek eginiko jarduera fisikoaren kantitatea eta kalitatea areagotzea.
- Kirol txapelketak.
- Naturan eginiko jardueren programa.
- Kirolaren astea. Unibertsitatean alor honetan egiten diren jarduerak ezagutarazteko eta unibertsitateko kideak jarduera horietara erakartzeko.
- XVIII Tipi Tapa, Osasunaren aldeko martxa, urriaren 1ean, Bilboko Ingeniaritza Eskola eta Leioa-Erandio guneko Unibertsitate Kiroldegia lotuko dituen.
- Komunikazioa. Kirolaren presentzia areagotzea unibertsitatearen sare sozialetan eta barne hedabideetan.
- UPV/EHUko Ikasketa Olinpikoen Zentroa sendotzea, olinpismoarekin lotutako jardunaldi bat gutxienez antolatuta.
- Kredituak aitortzea kirol jarduerengatik.
- Goi mailako kirolarientzako tutoretza plana. Eguneratzea eta segimendua.
- Estatuan edo nazioartean (Espainiako Unibertsitate Kirolaren Batzordea, Kirolaren Euskal Batzordea...) eginiko koordinazio bileretan parte hartzea, eta harremanetan jartzea beste unibertsitate batzuekin.
- Beste erakunde batzuek antolatutako lan mahaietan parte hartzea, elkarlanean aritzeko jarduera fisikoaren eta kirolaren arloko arauen, dekretuen eta legeen diseinuan (Kirolaren Euskal Legea, EAEn kirol lanbideetara sartzeko eta horietan aritzeko Legea...).
- Eusko Jaurlaritzarekiko hartu-emana indartzea eta unibertsitateko kideak aktibatzeke programa espezifikoak egiteko aukera aztertzea.

3. helburua

Bi norabideko komunikazio enpatiko bat sustatzea unibertsitateko kargudunen eta unibertsitateko kideen artean.

Ekintzak

- 3.1. Errektore taldeko pertsonak bilerak egitea bestelako gobernu organo eta/edo kolektiboetako ordezkariekin (ikastegiak, sailak, katedrak, ikerketa institutuak, ikasleen kontseilua...), arazoak hautemateko eta horiek konpontzeko edo arintzeko neurriak aurreikusteko. Bilera horiek egingo dira; batez ere, azken urteotan berrantolatu diren organoekin.
- 3.2. Intranet korporatibo bat garatzeko plan bat egitea. Intranet horrek beharrezkoak diren kanalak eta tresnak izango ditu, irakasle-ikertzaileen, AZPko langileen, ikasleen eta unibertsitateko beste kolektibo batzuen arteko lankidetzak eta barne komunikazio bertikala eta horizontala sustatzeko.
- 3.3. Aurkakotasunik gabeko gatazka konpontzeko metodoetan sakontzea, aldezearen lankidetzaz, unibertsitate bizikidetzako Legearen irizpideei jarraituz.
- 3.4. UPV/EHUren kode etikoa egitea eta onartzea.

Ikasturtean zehar, jarraituko dugu bilerak egiten ikastegietako dekanoeekin eta zuzendariekin, baita dekanok edo zuzendaritza taldeekin ere. Gainera, ikasturte honetan, aldi behingo bilerak egingo dira Bizkaiko Campusean egoitza duten unibertsitate institutu etako zuzendariekin.

Gutxienez Campuseko 3 Ohiko Batzarrak egingo dira: ikasturterako eginkizunen plana aurkezteko, *numerus clausus*-a onartzeko eta ikasturte amaierako memoria aurkezteko. Gainera, campuseko jarduerak behar bezala egiteko, beharrezkoak diren Campuseko Batzar edo Batzorde Iraunkor guztiak egingo dira.

4. helburua

Oreka bat sortzea prozesuen gardentasunaren eta haien burokraziaren artean, eta baliabideen eta informazio kudeaketaren eraginkortasuna hobetzea, eraldaketa digitalak ematen dituen aukerak aprobetxatuta.

5. helburua

Gizarte erronkei eta GJHei erantzungo dieten proiektuak aurkeztea, Next Generation (NGEU) Funtsen deialdia erabilita, besteak beste.

6. helburua

Proiektu estrategikoak oztopatu ditzaketen hesi normatiboak eta karga administratiboak ezabatzea, interes publiko baten edo unibertsitatearen ikuspegitik beharrezkoak ez badira, eraginpeko edo inplikaturako organo, zerbitzu eta agenteen partaidetzarekin.

7. helburua

Finantzaketa publikoa eta pribatua hobetzea, gure unibertsitatearen zerbitzu publikoaren helburua aintzat hartuta.

Ekintzak

- 7.1. Eusko Jaurlaritzarekin partekatutako estrategia bat lantzea, unibertsitate publikoaren eginkizunarekin koherentea izango den unibertsitate plan berri bat garatzeko.
- 7.2. Erabaki estrategikoak hartzen lagunduko duen kontabilitate analitikoa ezartzea.
- 7.3. Unibertsitatearen barne eta kanpo emaitzen eta inpaktu ekonomiko eta sozialaren ikusgarritasuna hobetzea, kanpoko finantzaketa areagotzeko, beste erakunde publiko edo pribatu batzuekin egindako hitzarmen edo kontratuen bidez.
- 7.4. Mezenasgo programa bat egitea.
- 7.5. Aldizkako komunikazio bat ezartzea instituzio eta ekonomia eta gizarte erakundeekin.

(7.5 ekintza) Bilera formalak eta informalak egingo dira erakundeekin eta ekonomia nahiz gizarte agenteekin, bereziki Bizkaiko Foru Aldundiarekin, udalerrri handienekin eta UPV/EHUren ikastegi bat dutenekin (Bilbo, Leioa, Erandio, Portugalete). Era berean, bilerak egingo dira aldian behin CEBEK patronalarekin, sinatutako hitzarmena garatzeko eta beste alor batzuetan elkarlanean aritzeko aukera aztertzeko: ekintzailtza, prestakuntza duala, etab.

8. helburua

Genero berdintasuna indartzea unibertsitate lidergoan.

